

AÑ PUEPAÑ SAN PEDRO PO' CARTA 2 SAN PEDRO

Atto Pedropa' quellquërranerr carta allohuena-cop ñeñt ame' ñetsa

¹ Masheñeshacha' ñaña nochaneshacha' allohuenes ñeñtes e' ñe attecma cohuen same' ñena atet yame' ñena yaña, tarro' mar allohueneypa' e' ñe ñapta Jesucristo ñeñt Yeyomporer yepen ñeñtara ñeñt Ya' queshpatañer yepen, ñeñtña e' ñe pocte' es pets. Na Simón Pedronpa' o'ch alla nequelquërrnaserr po'poñ carta, ñeñten torretsa Jesucristocop, ña puellsensaren.

² E' ñe nehuom'cha'teñoñes sa napa' o'ch notas: Yomporepa'chña atarr sebensare'tam'pene'; ñepa'chña socshatene'ña e' ñe sa seyo'chro allohuenes e' ñe seyemteñoñ Yompor ñaña Puechemer Jesús ñeñt Yepartseshar yepen.

Atet'cha' yepa'yena allohueney ñeñtey e' ñe cohuen ame' ña'yenaya Cristo

³ E' ñe yeyemteñoñ Yompor ñapa' chocma apueney allohuen ñeñt allpon yepalltena alloch yocrrena e' ñe cohuen ñocop. Ñaña apueney attoch yoctape'cherr ñeñt e' ñe pocte' enten ña. Ñeñtpa' e' ñe ña po'partsoteñoñ apueney. Ñapa' añ muenen o'ch yecohuentapretera ña. Ñaña añ atarr muenen o'ch yorrtatapreter po'cohuenña.

⁴ E' ñe po'cohuenñoñ ñapa' atet otnerrey ñeñt'cha' apuerrey ñeñt'cha' nanac cohuen yenterr, ñaña

ñeñtcha' atarr nanac sherberrets yocop. Añ apuerrey po'huamenc attoch amach aña atarr yemna'yeno ñeñt yentyen arr patsro. Attochña amach atarr nanac ya'sosyateno e'ñe yañeña. Allochñapa' e'ñe yeyemteñoť Paretspa' o'ch yaguërrñañ ñeñt e'ñe atet pena ña.

⁵ Ñeñto'marña añ poctetsa, ñanomcha'ña Cristo yeyemta. Alloťpa' ñaña o'ch yorrtaten atto e'ñe pocte' es yepen. Alloťpa' ñaña añ poctetsa, o'ch yeñotua e'ñe ora atet muenen Yompor.

⁶ Alloťpa' ñaña o'ch yepuesuanom ñeñt atet yemnatse'tyen ya. Alloťpa' ñaña e'ñech ya'huanta'huanom allohuen ñeñt atarr echarr yentyen, alloteññapa' o'ch yoctape'ch ñeñt poctetsa Partsocop.

⁷ Alloťpa' ñaña o'ch yemorrentanna'ta, e'ñech yemo'nasheñsha' yeñannena. Alloťpa' ñaña e'ñech yemuerannena.

⁸ Ñerra'm atetcha' seña añechno atet ñeñt o' notuaspas', allempoñapa' allo'nach sesen parrocmatats epas Yepartseshar Jesucristo. Allochñapa' amach e'ñe orrena señoťere, añcha'ña e'ñe sorrtatyen ñeñt atet muenen Yompor. Allempoñapa' nanaccha' sesherberr Cristocop.

⁹ Ñerra'm ama allo'na yeyemuetneño Cristopa' yapa' amach e'ñe es cohuenaye' yeñotueno. Chach yottena ñerra'mrrate' puesheñarr ñeñt ama cheme'tetso a'yo. Añach cheme'ten ñeñt alla'tsena. Amapa' chach yottena ñerra'mrrate' puesheñarr aporo'yet ñeñt ama entetso, ama't e'ñe mamesha. Tarro'mar ñapa' o' cha puesuerran atto Cristopa' e'ñe e'shohuerrñañeñ po'chñar.

10 Ñeñto'marña masheñeshacha' ñaña nochaneshacha' te'pa' o'ch alla noterrser. Allo'nepa'ch sesen yemuetnomaya Cristo atto ñapa' o' hua'ñerres attoch same'ñeñoñpa' o'ch sequeshperra. Ñerra'm atetcha' seřapa' ama't ahuatapa' amach sepsere, ñaña amach alla sepurrerro atarr toñoneñ.

11 Allochña sapa' sečherrcha' all amcha'tarettena Yepartseshar Jesucristo ñeñt Ya'queshpatañer yepen. Allña'pa' o'ch aguërres e'ñe pocsheñeshocmañen all partsoten. Ña po'partsoñapa' ñeñt'pa' amach ahuañaña'terro ama't e'ñe errponaña.

12 Ñeñto'marña napa' noten, čhocmach neyerpatasa atet noctape'chen. Ama't sapa' o' señoTue añečno, napa' o'ch alla noterrser. Ama't o' čhaponasa seyočhro ñeñt'ñoñets po'ñočhpa' napa' nemneñ allo'nach neyerpatnensa.

13 Napa' noten, te'pa' orameñ nocrrena e'ñe pocte' o'ch neyerpatnomsa attoch o'ch setorroña Yompor po'ñoñ.

14 Napa' neñoteñ o' mañamenapa' o'ch nerromuen, tarro'mar atet otne't Yepartseshar Jesucristo.

15 Allochña'pa' amach nemnatenso o'ch sepuesuer ama't errponaña. Ama't allempoch o' nerromuenpa' sapa' allo'nach seyerpuerra ñeñt' atet o' notuanmas.

Pedropa' e'ñe entane't Cristo allempo orrtatye-sanete't po'partsoña

16 Ya te'pa' o' e'ñe yeñotatas atto Yepartseshar Jesucristo ña partsotets, ñapa' ñach huerrtsa

po'pocheño. Añ ñoñets po'ñoçhpa' ama shequëntsoyaye ñoñets ñeñt o' yotuas. Ñeñtpa' ama yaye' yocapña yotenso, ñaña ama ahuatnaneshañeyaye pueserrpareñ. Ya po'ñoçhpa' e'ñeca'ye allame'ttsa yeñche'tña Yepartseshar Cristo. Yapa' e'ñe yentuone'tña po'partsoña.

17-18 Tarro'mar yapa' e'ñe parro allo'tseney all aspeno allempo Yompor Parets gatey Puechemer po'cohuenña. Yapa' allempopa' e'ñe ye'mhuaña ñoñets ñeñt ye'morrtoya entoť. Yompor ñeñt nanac partsotets pue'ntaño, po'cohuenñopa' atet cohuentatenan Puechemer, ñeñtpa' atet oten: "Añmapa' ñeñt Nechemer ñeñt nanac nemorentena, ñapa' ña nanac nocshatene'." Ñeñtpa' attoña aye'chochtatenan Puechemer.

19 Te'ña ñeñt otyese't ahuať ñeñt a'mta'yesaye't Yompor po'ñoñpa' te'ña e'ñe po'ñoçhpa' o' e'ñe etsotueria. Ñeñto'marña yapa' attoña yeñoteñ ñapa' e'ñe po'ñoçh otye't po'ñoñoť. Ñeñto'marña yocoppa' añ poctetsa o'ch yame'ña ñaña ñeñt a'mta'yesaye't ahuať Yompor po'ñoñ. Ñeñtña ñoñetspa' a'puetarsam'pennay yocapña atet ñerra'mrrate' lampareñ a'puetarene' checmete'. Te'ña o' huapa Cristo; ñapa' ñeñtcha'ña a'puetarerre' yaña yeyoçher. Yapa' atarr cohuen yenteñ Cristo atet ñerra'm ranto atarremñ.

20-21 Ñaña señoche'pa'chña ñeñt a'mta'yesaye't ahuať Yompor po'ñoñ ñetpa' ama añaye' orrtatete'te ñeñt atet coťape'chete't ñet. Atto ñet ma'yochrete't Partsocop, Paretsña Puecamquëñña eñotatahuete't atetcha'

serrpare'toñet Yompor po'ñoñ. Ñeñto'marña señohepa'ch ama pocteyaye e'ñe yañeña yoc̄taṗñoṓ o'ch ye'nachatañeñañ po'ñoñ.

2

Ñeñt ashcañtetsa amach Yomporeye' po'ñoñ serrpare'teno

(Jud 4-13)

¹ Te'pa' o'ch notas ñaña po'poñ. Ahuatpa' orrte't ashcañ ñeñt ama Yomporeye' po'ñoñ orrtatete'te, ñeñt'pa' at̄ta shecane't israelena'tarnesha'. Sapa'cho'ña at̄tecmach orrtonasa ñeñt amach Yomporeye' po'ñoñ a'poteno. E'ñe a'nahuapa' o'ch yeçhataṣ po'poñ poçtaṗña. Tarro'marcha' ñetpa' at̄et pet at̄toçha' a'chencatatuertes. O'ch a'nasotañṗsasa at̄to Yepartseshar Cristopa' ñeñtña tsa'terroyaña yo'chñar. Tarraña ñetpa' machayoṗach a'chencatatuerr̄et ñañeñeta.

² Esem̄poch orrta, shonte'ch acheñ ñeñt'cha' ame'ñaya at̄et'cha' yeçhatanet. Ashcañpa' e'ñech poçte' entan ama't ñeñt atarr yeçhene' sosya'tsañ. Ñeñto'marña e'ñe ñoṓṓt acheñenesha'pa' o'ch achm̄are'teññañet Cristo po'ñoñ ñeñt po'ñoçh Yompor po'ñoñ.

³ E'ñe pueye'cheñoṓpa' o'ch shecaset at̄toch yorañṗesuas seçllayor. E'ñe poçtaṗñoṓpa' shecaset'cha'. Tarraña ama't ahuaṗtoñ Yomporpa' ote't ahuo'ch mueñanet coñcha'pueṗso. Yomporpa' ama orrena ote'te, ama pueno po'ñoñ; at̄et oten, at̄et'cha' ṗa. Ñeñt ama Yomporeye' po'ñoñ yeçhatetsopa' chenca'huerret'cha'.

4 Tarro'mar ahuatpa' ama't Yompor po'millañoñeñnaneshar allempo atpare'chete'tpa' ama esesha' queshpatse'te. Yomporpa' allempoña huapore'tanete't o'pono coñcha'puetso, allña'apa' all ehucarettenet checmeto. Allo'tpa' amach cha'nerreto, allotña esempohuañenpa' a'coñchatare'terrach.

5 Ñaña acheñenesha' ahuatpa' ama esesha' queshpatso allempo nanac atpare'chete't Yompor. Ñaña'apa' e'cho'pañ'psanet oñ, ora errañaren patso. Ñaña'apa' Noé a'queshpat epuet cancherrsheña ñeñ't pamo'tsesha'. Tarro'mar Noé'apa' serrpare'te't ñeñ't atet poctetsa Yomporecop.

6 Ñaña ahuatpa' ñeñ't ye'chatse't anetso ñeñ't pa'so'cheñ Sodoma ñaña Gomorra, Yomporpa' etomam'psanet pa'netser. Atto etomam'pesuerranet pa'netserpa' allohuenetpa' e'ñe poctacma poyuerret. Ora e'ñe tsañere'tuet, o' a'chencatuerranet e'ñe poctacma. Atto te'pa' e'notatenan po'psheññe'chno ñerra'm o'ch atpare'te'ñet Yomporpa' attec'mach perraneterr. Ñeñ'to'marña ye'noteñ erra'tsencha' orrtatene' ñeñ't ama Yomporeye' po'ñoñ a'po'teno, ñetpa'cho'ña attec'mach chenca'huerret ñamet.

7 Tarraña Yomporpa' a'queshpatan puesheñarr ñeñ't pa'so'cheñ Lot ñeñ't e'ñe pocte' es patse't. Ñaña'apa' epaye' entenan pamo'tsesha' atto' pa'yesete't ñeñ't nanac sosey enten Yompor. Ñaña'apa' epaye' llecachete't.

8 Ñaña'apa' e'ñe cohuen cotape'che't. Pamo'tsesha'ña'apa' nanac pa'yesete't ñeñ't ama cohuenayaye. Ñaña'apa' epaye' entapretanete't ñeñ't

coṭape'cheteṭ ñet, ñaña epaye' e'mapretaneteṭ atto eñosatse'tyeseteṭ. Ñaña' epaye' llecaneteṭ tarro'mar ñapa' e'ñe cohuen coṭape'cheṭ pueyočhro.

9 Ñeñto'marña Yomporpa' eñoteñ attoch a'qeshp̄atan ñeñ e'ñe pocte' es pets, ñerra'm esempo o' huapanet topateñets huomenc. Ñaña eñoteñ attoch mueročhtatan ñeñ ama pocteye' es petso. Allo'nach mueročhtatnenanet esempohuañencha' acrareṭetuerra allohuen acheñenesha'. Allempopa' mueñuerranetcha' coñcha'puetso.

10 Po'ñočhpa' coñchatancha' ñeñ añã ma'yočhrenaya ñeñ atta muenatse'tyets e'ñe po'chtsoṭ, atto nanaccha' sosyare' yečha'yenet, añach e'ñe yomenet ñeñ e'ñe ñet poctaṭñet. Ñeñto'marña ama't Yepartsesharpa' ama añcha'na'tpahuoye' enteñeto, attoña ama't ñaña allohuen ñeñ ahuamencatetyetsapa'čho'ña e'ñe achm̄are'tueñet. Amach añcha'na'tpahuoye' enteñeto.

11 Tarraña Yompor po'mllañoṭeññaneshar ama't nanac ahuamencatet, ñaña ama't nanac añcha'tareṭet, ñetñapa' ama't Yomporesho'tsenet, ama sasare'teñetoña ñeñ ahuamencatetsa.

12 Tarro'mar ñeñ ama Yomporeye' po'ñoñ yečhatetso ñetñapa' sasare'tenet tarro'mar ama es eñoteneto, e'ñe attet ñerra'm es berr ñeñ ama es eñotetso. Atet muena'yenetpa' atetcha' penet. Ñeñ atet eñalletetsa atet ñerra'm es berr; tsapaṭonetpa' o'ch rromueñet. O'ch rromuetpa' o'ch muetset. Ñeñ ama Yomporeye'

po'ñoñ ye'chatetsopa' ñetpa'cho'ña esempohuañen attecmach a'cclatuare'tterret.

¹³ Tarro'mar attoch atsa'tatuare'tterret allohuen po'chñaret. Tarro'mar e'ñech ellapenete't coshatse'tatset ñeñt ama pocteyaye. Ama't atto rrallme'chapretasetpa' nanaccha' pencatenset tarro'mar ñetpa' nanac sosyare' es penet. E'ñech pocsheñsha' mueneñet o'ch shecaset.

¹⁴ Ñeñt ama Yomporeye' po'ñoñ ye'chatetsopa' chocmach mueneñ o'ch cohua'yesan coyanesha' attoch nanac cañoresha'tenet. Amach huañeno atto cotape'chenet sosey. Nanaccha' shequëñet coyanesha' ñeñt ama tama es eñoto attoch aguëñet. Añach ye'chenet atto es ye'chatse'tyenet. Tarraña ñeñt atet petsapa' o'patataretetcha' coñcheñets.

¹⁵ Tarro'mar ñetpa' o' puesuerret ñeñt poctetsa. O' sa'nmet Yompor nanac ella'par. Ñetpa' cota'neñet atet pe't Balaam ñeñt Beor puechemer. Ñapa' ahuatpa' añach cohuen ente't o'ch pa'yesa ñeñt ama pocteyaye alloña gane't shonte' quelle.

¹⁶ Allempoña atet pe't Balaam ñeñt ama pocteyaye, pashanorñapa' o' che'ptare'ch, atto' eños atet ñerra'm achen eñets, ama't ashenpa' yeñoteñ ama eñeno. O'ña eñosuapa' Balaamñapa' allempoteñña o'huañ atet pa'yesan sosey.

¹⁷ Ñeñt ama Yomporeye' po'ñoñ ye'chatenetopa' ñetñapa' amach es sherbertso. Ñetpa' ama't attetañ ñerra'mrrate' oñ allot potenpa' te'ñapa' o' masohua. Ñetpa' amach es sherbatso ama't attetañ ñerra'mrrate' os, tarraña ñerra'm o' matach mōrr a'yopa', amach huato. Tarraña ñeñt atet pet-

sapa' o'patatare'tcha' all ama machecmeto o'pono.

¹⁸ Ñaña nanaccha' ommo'chenet atto pa'yenet ñeñt nanac sosyare'. Ñaña o'ch a'secheñet po'psheñeñ attoch o'ch p'achet ñeñt nanac muenenet po'chets attot'cha' a'psatare'tterret, allempoñapa' o'ch'cho' alla puerrerret. Shonte' achen ñeñt e'ñe etserra puesuanmue' ñeñt atet ye'cha'yesete't ñeñt nanac sosyare', tarraña allempoñapa' o'ch alla muenereterr ñeñt o' puesuanmuetañ ahuat pocta'pñet.

¹⁹ Ñeñt ama Yomporeye' po'ñoñ ye'chatetsopa' o'ch alla o'terraneterr: "Ama palltenoña o'ch es yesuanom. Yapa' e'ñe cohueno'tseney. Yocoppa' ama eñalleña ñeñt'cha' yeyore'terre'." Ama't atet oteneñ ñeñt at'pare'tetspa' tarraña napa' o'ch notas, ñeñt atet'pa' aña ye'chenet e'ñe ñet pocta'pña ñeñt nanac sosyare'. Tarro'mar ñerra'm erra'tsen es yey'chatene' ñeñt'pa' ñeñt'ña pomnaren yepene'.

²⁰ Attecma ñerra'm ya. O' ye'notuer Yepartseshar Jesucristo, ñeñfara Ya'queshpatañer yepen. Yeparrocmateño't Cristo o' yesuanom sosya'tsañ. Tarraña ñerra'm yo'chñarpa' alla a'psaterrey Yompor po'ñoñpa' yañapa' elloña nanaccha' yoro'cheno'tseney.

²¹ Ahuat'pa' yoro'cheno'tseney tarro'mar ama yentare ñeñt poctetsa Partsocop. Te'ñapa' o' yenter ñeñt poctetsa. Tarraña ñerra'm te'pa' o'ch alla yepuerrerra ñaña o'ch alla yepuesuerrñañ po'ñoñ atet oteneñ Parets, te'ñapa' yañapa' elloña nanaccha' yoro'cheno'tseney.

²² Yapa' po'ño'ch ñerra'm o'ch alla yepuerrerra

cha yottena ñerra'mrrate' ochec. Yapa' o'ch alla yepuerrerra "atef ñerra'm ochec o'ch a'tatsta; o'ch a'tatsetuapa' tematenpa' o'ch alla puerrerra allo'tsen pa'tatsña." Amapa' cha yottena ñerra'm atef pena ñaña chañcho. "Chañchopa' o'ch apa; o'chña apuapa' o'chcho' alla puerrerra atstso allcha' e'yařna'tierra o'ch alla atsotseñe'chuerr." Ama't ahuafoteñ atef otete't atef pena ochec, ñaña atef pena chañcho.

3

Esempoch huerrmocha Cristopa' orrterrach ñeñtcha' achmare'terre' Yompor

¹ Te'ñapa' masheñeshacha' ñaña nochaneshacha' o'ch notas, po'pocheño o' alla nequellquërrnaserr carta. Tarro'mar añecop nemneñ o'ch alla noctape'chaterrserr; o'ch alla neyerpaterrserr soctařña e'ñe cohuen.

² Ñaña o'ch alla noterrserr; añ poctetsa amach sepsatsche ñeñt otye't ñeñt a'mta'yeyaye't Parets po'ñoñ. Atef otye'tpa' atetcha' etsoterra esempohuañen. Ñaña amach sepsatsche atef o' otuas ñeñt Yompor puellsensarnesha'. Ñetpa' o' ye'chatuaset Yepartseshar Cristo po'ñoñ ñeñtpa' atetcha' seřa, ñeñtara Cristo Ya'qeshřatañer yepen.

³ Ñanom o'ch señoç añ, ñerra'm esempoch o' huerrmocha Cristopa' huapach ñeñtcha' achmare'tene' Yompor poctařña. Ñeñtpa' attach cotape'chen atef muenatse'tyenet ñeñt cohuen entenet po'chets.

⁴ Pachmare'teñořpa' o'ch otet: "Cristopa' otnerr esempopa' ahuo'ch huerra. Te'ñapa'

¿eso'marte' amo' huerro'? Ama't yatañneshañpa' o' colla'huenet; teme'ttsen yenten ora errañaren e'ñe attera atet orrte't ahuafoñeñ allempo errte' ayečcatareñ pats."

⁵ Ñetpa' mueneñet o'ch puesuerret atto ahuañ Yompor e'ñe po'ñoñoña o' yečcatuan enet. Patspa'cho'ña e'ñe po'ñoñoña yečca'hua. Ñaña e'ñe oñoñpa' yečca añ pats.

⁶ Ahuañpa'cho'ña e'ñe puechopeñoñ oñpa' chenca'hua pats allempo e'ñe chorra oñ errañaren.

⁷ Ñaña Yompor po'ñoñoñpa' te'pa' ama't patspa' esempohuañenpa' poyuerrcha'. Enetpa'cho'ña attecmaç poyuerrcha' ñaña. Aña cohuen esempohuañencha' acraretetuerra allohuen acheñenesha'. Allempochña mellapoterra. Ñeññañña ama ame'ñenaye ñapa' o'ch mueñanet coñcheñtso.

⁸ Tarraña te'ña masheñneshacha' ñaña noçhaneshacha' amach atta es sepçhatsto. Añcha'ña o'ch señoç; Yomporpa' entenan ama't mil char atet ñerra'm pamtarra. Ama't ñeññ ñapa' pamtarr enten, yocopñapa' yenteñ atet ñerra'm mil char.

⁹ Puesheña'tets acheñpa' otenet o' meten shonte' char amo' huerro. Tarraña yapa' yeñoñeñ Yepart-seshar çhocmaç a'pocatan po'ñoñ o'ch huerra. Yapa' yeñoñeñ tarro'mar amo' huerro añ cohuen ñato' esempoch o'ch yocape'çuerr ello cohuen Yomporecop allohueney. Ñapa' nanac muerenya ama mueno ama't eseshapa' o'ch chenquerra.

¹⁰ Tarraña ama't amo' huerro, esempopa' machayoñach huerra. Atet ñerra'm eñeñ amach

es yepchenopa' machayotach huapa tsapo. E'ñech atet perraña ñaña Yepartseshar Cristo, e'ñech machayota huerra. Allempopa' huañerrcha' enet. E'ñe puepotrrareño'pa' huañcha'. Huañcha' ora ñeñt orreyetsa ñaña ama't ora allpon eñall, paña'tuerrcha' ñaña e'yohuach. Tso'ñapa' ñach e'ñe e'yatuerre' allohuen ñeñt eñall. Patspa'cho'ña ñaña ora ñeñt aye'chcataret arr patsropa' poyuach.

¹¹ O'ch poyuapa' o'ch e'yohua ora esocmañen. Ñeñto'marña sapa' añ poctetsa socop. O'ch soctape'cherr e'ñe cohuen Partsocop, ñaña o'ch sepomhuerra sañeña e'ñe Yomporecop.

¹² Ñaña añ poctetsa o'ch secuame'teñ esepoch yoro'chtatuer Yompor. Sapa' o'ch setorreññaña attochña mameshapa' o'ch huerra. Esemepoch yoro'chtatuer allempopa' ñachña a'crratuerrre' enet. O'ch a'crratuerran enetpa' allempochña potlle'chuerr e'ñe poctacma. Ñaña ora ñeñt orreyetsa entopa' ñeñt'pa'cho'ña e'ñech poyuahuerre. O'ch poyuahuerre'pa' o'ch e'yohuerra poctacma. Tso'ñapa' ñach e'ñe e'yatuahuerre' ora allohuen ñeñt eñall.

¹³ Tarraña yapa' yecueñ o'ch etsoterra atet otnerrey. Ñapa' ña yotnerre', eñalleterro'ch po'poñ enet etserrare', Patspa'cho'ña o'ch eñalleterra et-serra. Allñapa' añach orrtatsa ñeñt e'ñe cohuenare' es pa'yets.

¹⁴ Ñehua, masheñneshacha' ñaña no'chaneshacha' o'ch secuame'teñ. Secuame'teño'pa' o'ch sema'yochrena attoch entuerres Yompor e'ñe pocte', attoch amach eñalle

ñeñtcha' sepercate'. O'ch cohuen sentannena epas samo'tsesha'.

15 Ñaña o'ch seño ch e'ñe eso'marte' amo' huerro Yepartseshar Cristo. Ñapa' atarr muerenana allohuen acheñenesha'. Ñapa' mueneñ yapa' o'ch yame'ñatuera acheñenesha' attoch yequeshpa'huerra allohueney. Ñeñtara o' quellconas ñaña masheñ Pablo po'cartot. E'ñe Yompör pueñotateñoey atet quellconas ñaña. Yapa' nanac yemuerannena.

16 Ora allpon Pablo po'cartotpa' o' eñotatey atetcha' perra esempo. Pate'tets ñoñets ñeñt quellquë't Pablöpa' nanac echarr yenteñ o'ch yeño ch e'ñe atet otene y. Puesheña'tets acheñ ñeñt ama tama es eñotopa' atarr moññe'toñete't Pablo po'ñoñ. Tarro'mar ñetpa' ama tama cosheññañeto Yompör po'ñoñ ñeñto'marña chocmach mueneñet o'ch e'nächaterrñañet atet otene y Pablo po'cartot. Ñaña po'poñ Yompör po'ñoñ ñetpa' chocma mueneñet o'ch e'nächaterrñañet atet otene y. Ñetpa' attotcha' a'chencatatuerrret ñetañeña.

17 Ñeñto'marña masheñneshacha' ñaña nochaneshacha' te' napa' o' notuas necartot ama't ama etsotena' atet notenes, attochña seño ch. Te'ñapa' seño ta'ch allochñapa' amach shecaseto atto es panten ñeñt atpare'tets. Saña te'pa' amach sequechpatsterrñañe Yompör po'ñoñ atet atarr same'ñena te'.

18 Añcha'ña e'ñe Yompör puemuerenoñpa' allo'nepa'ch sesen co'tape'chnomue' e'ñe cohuen, ñaña allo'nepa'ch sesen yemuetnomaya Yepartseshar Jesucristo ñeñtara Ya'queshpatañer

yepen. Ya'ye'chochtatoñepa'ch tayoteñ e'ñe
errponohuañen. Te'pa' ñeñtach notas, ñeñtpa'
attetepa'ch Nompore. Allohua.

Pedro

**Yompōr Po'ñoñ ñeññ attō Yepartseshar
Jesuscristo e'ñe etserra a'pōctaterrnay
Yompōresho
New Testament in Yanasha' (PE:ame:Yanasha')**

copyright © 2008 Wycliffe Bible Translators, Inc.

Language: Yanasha'

Translation by: Wycliffe Bible Translators, Inc.

Yanasha'[ame], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yanasha'

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 28 Dec 2024 from source files dated 29 Jan 2022

fa985bb4-fad0-5968-9ee4-626b89cba24f